

Discriminacion den parti laboral ta reto principal di FEDAA

ORANJESTAD(AAN)-- E reto principal cu F.E.D.A.A. (fundacion pa Esnan cu Deficiencia Auditivo y tin ta e parti di discriminacion den e parti laboral. Aki F.E.D.A.A. lo yuda pa baha e drempel pa nan wordo acepta y respeta. E persona cu deficiencia tambe tin e mesun derecho cu cualkier otro ciudadano di nos pais, pa e por desahoy su mes debidamente. F.E.D.A.A. lo ta e porta cu e persona cu deficiencia auditivo por bati ariba dje pa ricibi ayudo. Un di e necesidad mas grandi ta pa e grupo aki reuni; contacto social ta hopi importante, hopi di nan ta isola. F.E.D.A.A. ta den necesidad di un centro cu lo fungi come un centro di encuentro cu ta necesario pa duna guia, consejo, formacion y informacion y pa encuentro social. Sra. Montsanto ta clausura dunado e su mensahe aki; F.E.D.A.A. ta desea un comunidad cu ta sali for di e punto di bista di e posibilidadnan di e individuo y no solamente enfoca riba e hende su desabilidad! E dia aki mester ta pa nos un oportunidad pa reflexiona riba e importancia di kico ta pasando cu e personan cu deficiencia auditivo y di bin cu ideanan y sugerencia pa conhuntamente mehora nan situacion. Despues su excelencia gobernador interino y Louisanne Yarzagaray participante di F.E.D.A.A. tawata tin e honor di desvela e logo F.E.D.A.A. y e significacion di e logo a wordo splica door di e presidente di F.E.D.A.A. sra. Stella Montsanto. E logo a wordo diseña

pa sr. Franco Sneek cu a haci un bunita trabao. Sra Gwen van Trikt presidente di Service di Quota Club a duna su relato di e resultado di e siman "Shatter Silence Week" cu a clausura exitosamente. Tambe e mainta aki tur presente a wordo deleita cu e cancion di e cantante Rihan "Shine bright like a diamond" den seña door di e muchanan di scol Scucha Nos. E participantenan di F.E.D.A.A. a presenta 3 skets chikito pa asina duna concientisacion ariba e material di ayudo cu nan tin mester pa funciona diariamente y tambe e discriminacion cu nan ta pasa aden den e sector laboral. F.E.D.A.A. a duna un reconocimiento den forma di un bunita awards na sr. Renny Richardson un persona cu deficiencia auditivo cu ta un bunita ehempel den nos comunidad. Su deficiencia di oido no ta strobe di logra su metanan sr.Renny Richardson a bringa añanan largo pa bin cu un fundacion y un centro pa personanan cu deficiencia auditivo. Mas bunita ta cu sr.Richardson ta pone su tempo disponibel pa yuda cualkier persona cu deficiencia auditivo pa nan tambe logra. Su excelencia gobernador a hiba palabra y a duna pabien y a elogia sra.Stella Montsanto pa e bunita trabao boluntario cu e ta haciendo y tambe a gradici y duna pabien na e bestuur di F.E.D.A.A.y tambe na e miembro di Quota Club. Y ta encurasha nan pa sigi cu e bunita trabao aki. Un mainta cu su excelencia a haya hopi bunita, ameno y interesante. Por a wak

su excelencia hopi entusiasma y interesa cu e participantenan di F.E.D.A.A. E mainta bunita y special aki a termina su programa cu e bunita cantica den seña "Imagine all yhe people" cu tin un bunita mensahe cu nos tur cu of sin deficiencia por uni hunto pa asina nos por hiba un bida mas buntia y felis. Hunto cu su excelencia gobernador interino, palamentarionan y tur invitado a sigi cu e brindis pa cu e celebracion di e Dia Internacional.

